

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

47 SRÁID HARRINGTON

BAILE ÁTHA CLIATH 8

RÁITIS AIRGEADAIS

DON BHLIAIN DAR CHRÍOCH AN 31 NOLLAIG 2017

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

<u>CLÁR</u>	<u>LEATHANACH</u>
EOLAS	3
TUARASCÁIL NA STIÚRTHÓIRÍ	4/5
RÁITEAS AR FHREAGRACHTAÍ STIÚRTHÓIRÍ	6
DEARBHÚ STIÚRTHÓIRÍ	7
TUARASCÁIL AN INIÚCHÓRA	8/13
RÁITEAS AR IONCAM AGUS AR CHAITEACHAS	14
CLÁR COMHARDAITHE	15
NÓTAÍ AR NA RÁITIS AIRGEADAIS	16/18

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

STIURTHÓIRÍ AGUS EOLAS EILE

STIURTHÓIRÍ

Cathal Goan
Muireann Ní Mhóráin
Uaitéar Ó Ciaruáin
Paula Ní Shlatarra
Liam Mac Amhlaigh
Fiachra Ó Marcaigh
Orla Ní Chuilleanáin
Cormac Breathnach
Katie Ní Loingsigh (ó 5 Meán Fómhair 2017)
Róisín Adams (ó 20 Márta 2018)
Charlie Dillon (ó 20 Márta 2018)
Kevin de Barra (go 26 Meitheamh 2017)
Gréagóir Ó Dúill (go 15 Meán Fómhair 2017)

RÚNAÍ

Fiachra Ó Marcaigh

OIFIG CHLÁRAITHE

47 Sráid Harrington
Baile Átha Cliath 8

UIMHIR CHLÁRAITHE

047559

UIMHIR CHY

6355

BAINCÉIRÍ

Banc na hÉireann
2 Faiche an Choláiste
Baile Átha Cliath 2.

INIÚCHÓIR

Dáithí Ó Maolchoille
Comhlacht Reachtúil Iniúcháireachta
75 Páirc Weston
Baile an Teampaill
Baile Átha Cliath D14 HW58.

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

TUARASCÁIL NA STIÚRTHÓIRÍ

DON BHLIAIN DAR CHRÍOCH AN 31 NOLLAIG 2017

Cuireann na stiúrthóirí a dtuarascáil agus na ráitis airgeadais iniúchta don bhliain dar chríoch an 31 Nollaig 2017 ar fáil.

PRÍOMHGHNÍOMHACHTAÍ

Is é príomhghnó na cuideachta ná iris agus leabhair Ghaeilge a fhoilsiú.

TORTHAÍ NA BLIANA AGUS STAID CÚRSAÍ AR 31 NOLLAIG 2017

Tá an ráiteas ar ioncam agus ar chaiteachas agus an ráiteas faoin staid airgeadais don bhliain dar chríoch an 31 Nollaig 2017 ar leathanaigh 14 go 18. Tá torthaí ó ghnáthghníomhachtaí roimh cháin le léamh sa ráiteas ar ioncam agus ar chaiteachas ar leathanach 14. Tá staid chúrsaí na cuideachta léirithe ar an ráiteas faoin staid airgeadais ar leathanach 15.

COTHROMAS

Tá gluaiseacht an chothromais léirithe i Nóta 4 de na Nótaí ar na ráitis airgeadais ar leathanach 17.

STIÚRTHÓIRÍ

Is iad seo leanas na stiúrthóirí a bhí ann ó 1 Eanáir 2017:

Cathal Goan	
Muireann Ní Mhóráin	
Uaitéar Ó Ciaruáin	
Paula Ní Shlatarra	
Liam Mac Amhlaigh	
Fiachra Ó Marcaigh	
Orla Ní Chuilleanáin	
Cormac Breathnach	
Katie Ní Loingsigh	(ó 5 Meán Fómhair 2017)
Róisín Adams	(ó 20 Márta 2018)
Charlie Dillon	(ó 20 Márta 2018)
Kevin de Barra	(go 26 Meitheamh 2017)
Gréagóir Ó Dúill	(go 15 Meán Fómhair 2017)

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)
TUARASCÁIL NA STIÚRTHÓIRÍ

DON BHLIAIN DAR CHRÍOCH AN 31 NOLLAIG 2017
(ar leanúint)

STIÚRTHÓIRÍ (ar leanúint)

De réir Airteagail Chomhlachais na cuideachta éiríonn Katie Ní Loingsigh, Róisín Adams agus Charlie Dillon as an mBord Stiúrtha agus, iad a bheith inainmnithe, cuireann siad iad féin ar fáil le bheith tofa.

Gníomhaíonn na stiúrthóirí go léir ar bhonn deonach.

IMEACHTAÍ TÁBHACHTACHA Ó DHEIREADH NA BLIANA

Ní raibh aon imeachtaí tábhachtacha a bhaineann leis an gcuideachta ó dheireadh na bliana.

FORBAIRTÍ SA GHNÓTHAS AMACH ANSEO

Leanfaidh an chuideachta ag foilsiú irise míosúla agus leabhar sa bhliain seo chugainn.

TAIFID CHUNTASAÍOCHTA

Is iad na céimeanna a ghlacann na stiúrthóirí chun slánú a dhéanamh de go bhfuil coinníollacha Alt 281 go 285 de Acht na gCuideachtaí 2014 maidir le taifid chuntasaíochta a choimeád á gcomhlíonadh ná: na polasaithe agus na nósmaireachtaí riachtanacha a fheidhmiú chun idirbhearta a chlárú; foireann chuntasaíochta chumasach, le taithí oiriúnach, a fhostú; agus dóthain acmhainní a sholáthar chun chúram a dhéanamh de na taifid chuntasaíochta. Coimeádtar na taifid chuntasaíochta ag oifig chláraithe na cuideachta.

INIÚCHÓIR

Chuir Dáithí Ó Maolchoille, Cuntasóir Cairte agus Comhlacht Reachtúil Iniúcháireachta, in iúl go bhfuil sé toilteanach leanúint in oifig de réir Alt 383(2), Acht na gCuideachtaí 2014.

Ar son na stiúrthóirí

CATHAL GOAN

FIACHRA Ó MARCAIGH

Stiúrthóirí

29 Bealtaine 2017

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

RÁITEAS AR FHREAGRACHTAÍ STIÚRTHÓIRÍ

DON BHLIAIN DAR CHRÍOCH AN 31 NOLLAIG 2017

Tá na stiúrthóirí freagrach as tuarascáil na stiúrthóirí agus na ráitis airgeadais a ullmhú de réir dhlíthe agus rialachán oiriúnacha.

De réir dlí cuideachta tá iallach ar na stiúrthóirí ráitis airgeadais a ullmhú i gcomhair gach bliana airgeadais. De réir an dlí roghnaigh na stiúrthóirí na ráitis airgeadais a ullmhú de réir Chleachtais Chuntasaíochta a bhfuil gnáth-ghlacadh leo in Éirinn. De réir dlí cuideachtaí ní foláir do na stiúrthóirí gan ráitis airgeadais a fhaomhadh mura bhfuil siad sásta go dtugann siad léargas fíor cothrom ar shócmhainní, dhliteanais agus stádas airgeadais na cuideachta amhail ar dháta dheireadh bliana airgeadais agus ar bhrabús nó caillteanas na cuideachta don bhliain airgeadais agus go ngéilleann siad ar gach dóigh eile do Acht na gCuideachtaí 2014.

Agus na ráitis airgeadais sin á n-ullmhú acu ní foláir do na stiúrthóirí:

- polasaithe cuntasaíochta oiriúnacha a roghnú agus ansin iad a chur i bhfeidhm go leanúnach,
- breithiúnais agus meastacháin a dhéanamh atá réasúnta agus stuama,
- a rá ar ullmhaíodh na ráitis airgeadais de réir chaighdeán cuntasaíochta is infheidhme, na caighdeáin sin a aithint agus tionchar agus cúiseanna imeachta ábhartha ó na caighdeáin sin a nótaíl, agus
- na ráitis airgeadais a ullmhú ar bhonn gnóthais leantaigh ach amháin sa chás go bhfuil sé mí-oiriúnach a cheapadh go leanfaidh an chuideachta i mbun gnó.

Tá na stiúrthóirí freagrach as a áirithiú go gcoimeádann an chuideachta nó go gcoinníonn an chuideachta ar coimeád taifid chuí chuntasaíochta a mhíníonn agus a chláraíonn mar is ceart idirbhearta na cuideachta, a chuireann ar a gcumas am ar bith sócmhainní, dliteanais, stádas airgeadais agus brabús agus caillteanas na cuideachta a aimsiú le cruinneas réasúnta, a chuireann ar a gcumas a áirithiú go gcloíonn na ráitis airgeadais agus tuarascáil na stiúrthóirí le hAcht na gCuideachtaí 2014.

Tá siad freagrach freisin as sócmhainní na cuideachta a chosaint agus dá réir sin as céimeanna réasúnta a ghlacadh chun calaois agus gnóthaí cama eile a chosc agus a aimsiú.

Ar son na stiúrthóirí
CATHAL GOAN
FIACHRA Ó MARCAIGH
Stiúrthóirí
29 Bealtaine 2017

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

DON BHLIAIN DAR CHRÍOCH AN 31 NOLLAIG 2017

DEARBHÚ STIÚRTHÓIRÍ

Tá na ráitis airgeadais ar leathanaigh 14 go 18 á bhfaomhadh ag an stiúrthóirí agus deimhníonn siad go bhfuil siad freagrach astu, roghnú polasaithe cuntasáiochta cuí san áireamh, iad a chur i bhfeidhm go comhsheasmhach agus na breithiúnais thacaíochta a dhéanamh ar bhunús réasúnta agus stuama. Ullmhaíodh iad ar bhunús gnóthais leantaigh ar an mbonn go leanfaidh an chuideachta i mbun gnó.

Deimhníonn na stiúrthóirí gur chuir siad taifid chuntasaíochta uile na cuideachta ar fáil don iniúchóir agus tugadh dó an fhaisnéis go léir atá riachtanach chun na ráitis airgeadais a ullmhú.

Deimhníonn na stiúrthóirí, chomh fada agus is eol dóibh agus a chreideann siad, go léiríonn na ráitis airgeadais idirbhearta uile na cuideachta don bhliain dar chríoch an 31 Nollaig 2017.

Ar son na stiúrthóirí

CATHAL GOAN

FIACHRA Ó MARCAIGH

Stiúrthóirí

29 Bealtaine 2017

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)
TUARASCÁIL AN INIÚCHÓRA NEAMHSPLEÁCH DO NA COMHALTAÍ

Tuarascáil ar an iniúchadh ar na ráitis airgeadais

Tá iniúchadh déanta agam ar na ráitis airgeadais do COMHAR (“an Chuideachta”) don bhliain dar críoch an 31 Nollaig 2017 ar leathanaigh 14 go 18 ar a n-áirítear an Ráiteas ar Ioncam agus ar Chaiteachas, an Clár Comhardaithe agus nótaí ar na ráitis airgeadais ar a n-áirítear achoimre ar na polasaithe suntasacha cuntasáiochta mar atá leagtha amach i Nóta 1. Is é an creat tuairiscíochta airgeadais a cuireadh i bhfeidhm agus iad á n-ullmhú ná dlí na hÉireann agus Caighdeán Tuairiscíochta Airgeadais 102, a bhfuil feidhm leis i bPoblacht na hÉireann agus sa Ríocht Aontaithe.

Tuairimí agus conclúidí ag eascairt as m’iniúchadh

I dtaca leis na ráitis airgeadais, i mo thuairimse

- tugann siad léargas fíor cothrom ar na sócmhainní, na dliteanais agus ar staid airgeadais na Cuideachta ar an 31 Nollaig 2017 agus ar a toradh don bhliain a chríochnaigh ansin;
- ullmhaíodh iad mar is cuí faoi réir Chaighdeán Tuairiscíochta Airgeadais 102; agus
- ullmhaíodh iad mar is cuí faoi réir cheangaltas Acht na Cuideachtaí 2014.

Bunús na Tuairime

Stiúraigh mé m’iniúchadh faoi réir na gCaighdeán Idirnáisiúnta Iniúchóireachta (Éire) {CII (Éire)} agus an dlí atá i bhfeidhm. Tá cur síos breise ar mo fhreagrachtaí faoi réir na gcaighdeán seo sa chuid de mo thuarascáil dar teideal *Freagrachtaí an iniúchóra as iniúchadh a dhéanamh ar an ráitis airgeadais*. Táim neamhspleách ar an gCuideachta faoi réir na gceangaltas eiticiúla a bhaineann le m’iniúchadh ar ráitis airgeadais in Éirinn, ar a n-áirítear Caighdeán Eiticiúla d’Iniúcháirí in Éirinn, a d’eisigh Údarás Maoirseachta Iniúchta agus Cuntasáiochta na hÉireann (ÚMICÉ) agus chomhlíon mé mo chuid dualgas eiticiúla eile faoi réir na gceangaltas seo [ar a n-áirítear Alt 6 den Chaighdeán Eiticiúil – Forálacha ar fáil d’Aonáin Bheaga (FafAB) (2016) faoi réir na gcúinsí atá leagtha amach i Nóta 10 ar na ráitis airgeadais].

Creidim go bhfuil an fhianaise iniúchóireachta a fuair mé dóthanach agus cuí le go mbeadh bunús le mo thuairim.

COMHAR
BLIAIN DAR CHRÍOCH AN 31 NOLLAIG 2017

TUARASCÁIL AN INIÚCHÓRA NEAMHSPLEÁCH DO CHOMHALTAÍ
COMHAR
(ar leanúint)

Tátail a bhaineann le gnóthas leantach

Níl aon ní le tuairisciú agam i dtaca leis na cúrsaí seo a leanas a bhfuil dualgas orm faoi réir CII (Éire) a thuairisciú libh nuair:

- nach bhfuil an úsáid a bhaineann na stiúrthóirí as bonn cuntasáíochta an ghnóthais leantaigh, agus na ráitis airgeadais á n-ullmhú, cuí; nó

Tátail a bhaineann le gnóthas leantach (ar leanúint)

- nár nocht na stiúrthóirí sna ráitis airgeadais aon éiginnteachtaí ábhartha aitheanta a d'fhágfadh faoi amhras suntasach cumas na Cuideachta chun leanúint de bheith ag baint úsáide as bonn cuntasáíochta an ghnó leantaigh ar feadh tréimhse dhá mhí déag ar a laghad ón dáta ar a n-údaraítear eisiúint na ráiteas airgeadais.

Eolas Eile

Tá na stiúrthóirí freagrach as an eolas eile. Cuimsíonn an t-eolas eile an t-eolas úd atá sa tuarascáil bhliantúil cé is moite de na ráitis airgeadais agus de mo thuarascáil orthusan. Ní chlúdaíonn mo thuairim ar na ráitis airgeadais an t-eolas breise agus, seachas an méid atá ráite go sonrach i mo thuarascáil, ní thugaim aon tátal dearbhaithe orthusan.

I dtaca le m'iniúchadh ar na ráitis airgeadais, tá freagracht orm an t-eolas breise a léamh agus, é sin á dhéanamh agam, cíoradh a dhéanamh féachaint an bhfuil an t-eolas eile neamhréireach go bunúsach leis na ráitis airgeadais nó le heolas ar tháinig mé air agus mé i mbun an iniúchta, nó a fheictear dom a bheith míshonraithe go hábhartha ar aon dóigh eile. Má thagaim ar aon neamhréireacht ábhartha nó aon mhíríteas follasach tá dualgas orm a chinneadh cé acu an bhfuil, nó nach bhfuil, aon mhíríteas ábhartha sna ráitis airgeadais nó aon mhíríteas ábhartha san eolas eile. Má thagaim ar an dtuairim, agus an tuairim bunaithe ar an obair atá déanta agam, go bhfuil míráiteas ann san eolas breise, tá dualgas orm é sin a thuairisciú.

Níl aon ní le tuairisciú agam i dtaca leis seo.

COMHAR
BLIAIN DAR CHRÍOCH AN 31 NOLLAIG 2017

TUARASCÁIL AN INIÚCHÓRA NEAMHSPLEÁCH DO CHOMHALTAÍ
COMHAR
(ar leanúint)

Tuairimí faoi nithe eile atá leagtha síos in Acht na gCuideachtaí 2014

Agus é bunaithe ar a obair a rinne mé agus mé i mbun an iniúchta, agus air sin amháin, tuairiscím:

- gurb í mo thuairim, go bhfuil an t-eolas uile atá tugtha i dtuarascáil na stiúrthóirí ag teacht leis na ráitis airgeadais; agus
- gurb í mo thuairim gur ullmhaíodh tuarascáil na stiúrthóirí faoi réir Acht na gCuideachtaí 2014.

Fuaireas gach eolas agus gach míniú a mheasaim a bheith riachtanach chun críche m'iniúchta.

Is í mo thuairim go raibh taifid chuntasaíochta na Cuideachta dóthanach le go bhféadfaí na ráitis airgeadais a iniúchadh go héasca agus mar is cuí agus go bhfuil na ráitis airgeadais ag teacht leis na taifid chuntasaíochta.

Ábhair a bhfuil dualgas orm a thuairisciú mar eisceacht

Agus é bunaithe ar an eolas is ar an tuiscint a fuaireas ar an gCuideachta is ar a timpeallacht agus mé i mbun an iniúchta, níor tháinig mé ar aon mhíríteas ábhartha i dtuarascáil na stiúrthóirí.

Leagann Acht na gCuideachtaí 2014 an dualgas orm tuairisc a thabhairt daoibh mura mbíonn an faisnéisiú faoi luach saothair agus faoi idirbhearta na stiúrthóirí, a éilítear faoi ailt 305 go 312 den Acht, tugtha. Níl aon ní le tuairisciú agam i dtaca leis seo.

Freagrachtaí faoi seach

Freagrachtaí na stiúrthóirí as na ráitis airgeadais

Mar atá mínithe ar bhealach níos iomláine i bhfreagrachtaí na stiúrthóirí atá leagtha amach ar leathanach 4, tá na stiúrthóirí freagrach as ullmhú na ráiteas airgeadais agus as bheith sásta go dtugann siad léargas fíor cothrom, agus as cibé rialú inmheánach a mheasann siad a bheith riachtanach chun go bhféadfaí na ráitis airgeadais a ullmhú ar dhóigh go mbeidís saor ó aon mhíríteas ábhartha, bíodh sé mar earráid nó mar chalaí.

COMHAR
BL IAIN DAR CHRÍOCH AN 31 NOLLAIG 2017

TUARASCÁIL AN INIÚCHÓRA NEAMHSPLEÁCH DO CHOMHALTAÍ
COMHAR
(ar leanúint)

Freagrachtaí na stiúrthóirí as na ráitis airgeadais (ar leanúint)

Agus na ráitis airgeadais á n-ullmhú, tá na stiúrthóirí freagrach as cumas na Cuideachta chun leanúint air mar ghnóthas leantach a mheas agus as nithe a bhaineann le gnóthas leantach á nochtadh acu, mar atá infheidhmithe, agus leas á bhaint acu as bonn cuntasáíochta an ghnóthais leantaigh mura bhfuil sé in intinn ag bainistíocht na Cuideachta a leachtú nó éirí as gnóthaí, nó mura bhfuil aon rogha réadúil acu ach é sin a dhéanamh.

Freagrachtaí an iniúchóra as iniúchadh a dhéanamh ar an ráitis airgeadais

Tá mar aidhmeanna agam dearbhú réasúnta a fháil faoi cé acu an bhfuil, nó nach bhfuil, na ráitis airgeadais ina n-iomláine saor ó aon mhíríteas ábhartha, bíodh sé mar earráid nó mar chalaois, agus chun tuarascáil iniúchóra a eisiúint a chuimsíonn mo thuairim. Is dearbhú d'ardchaighdeán é dearbhú réasúnta, ach ní urrús é go n-éireoidh i gcónaí le hiniúchadh a dhéantar faoi réir CII (Éire) mírialtacht ábhartha a aimsiú nuair is ann di. Is féidir le míráitis eascairt as calaois nó as earráid agus meastar iad a bheith ábhartha má cheaptar go réasúnta go bhféadfaidís, ina n-aonar nó ina n-iomláine, tionchar a imirt ar thuairimí eacnamaíochta úsáideoirí a bheadh bunaithe ar bhonn na ráiteas airgeadais seo.

Faisnéis bhreise ar scóip mo fhreagrachtaí mar iniúcháir

Mar chuid d'iniúchadh faoi réir CII (Éire), tarraingím ar bhreithiúnas gairmiúil agus coinním sceipteachas proifisiúnta le linn an iniúchta. Thairis sin:

- Aithním agus déanaim meastóireacht ar na rioscaí a ghabhann le míráiteas ábhartha sna ráitis airgeadais, bíodh sé mar thoradh ar chalaois nó ar earráid, ar leagan amach nó ar ghnáthaimh fheidhmiúcháin an iniúchta bheith freagrúil do na rioscaí seo, agus fianaise iniúcháireachta a aimsiú atá dóthanach agus cuí chun bheith mar bhonn le mo thuairim. Is mó an baol nach n-aimseofaí míráiteas a d'eascair as calaois ná ceann a d'eascródh as earráid, cionn is gur féidir le claonpháirtíocht, brionnú, easnamh d'aon ghnó, bréagléiriú nó sárú rialachais inmheánaigh bheith i gceist le calaois.
- Tuiscint a fháil ar an rialachas inmheánach atá ábhartha don iniúchadh chun go bhféadfaí gnáthaimh iniúcháireachta a dhearadh a bheadh oiriúnach do na toscaí ach ní chun críche tuairim a nochtadh faoi éifeacht rialachas inmheánach na Cuideachta.

COMHAR
BL IAIN DAR CHRÍOCH AN 31 NOLLAIG 2017

TUARASCÁIL AN INIÚCHÓRA NEAMHSPLEÁCH DO CHOMHALTAÍ
COMHAR
(ar leanúint)

Faisnéis bhreise ar scóip mo fhreagrachtaí mar iniúcháir (ar leanúint)

- Meastóireacht a dhéanamh ar chuibhiúlacht na bpolasaithe cuntasáochta a úsáideadh agus ar réasúntacht na meastachán cuntasáochta agus na bhfaisnéisithe gaolmhara a rinne na stiúrthóirí.
- Teachtaireacht ar thuairim faoi cé chomh cuí is atá úsáid bhonn cuntasáochta an ghnó leantach ag na stiúrthóirí agus, i bhfianaise na faisnéise iniúcháireachta a fuarthas, faoi cé acu an bhfuil nó nach bhfuil éiginnteacht ábhartha ann a bhaineann le himeachtaí nó le cúinsí, a fhéadfadh amhras suntasach a chaitheamh ar chumas na Cuideachta chun leanúint air mar ghnóthas leantach. Má thagaim ar an dtuairim gur ann d'éiginnteacht ábhartha tá dualgas orm i mo thuarascáil iniúchára aird a dhíriú ar an nochtadh eolais gaolmhar sna ráitis airgeadais nó, má tá an nochtadh gan a bheith dóthanach, mo thuairimí a leasú. Tá mo chonclúidí bunaithe ar an bhfianaise iniúcháireachta atá faighte agam suas le dáta mo thuarascáil iniúchára. Mar sin féin, d'fhéadfadh imeachtaí nó tosca amach anseo bheith ina gcúis le nach bhféadfadh an Chuideachta leanúint air mar ghnóthas leantach.
- Cur i láthair, struchtúr agus ábhar na ráiteas airgeadais a mheas, ar a n-áirítear na nochtaithe agus faoi cé acu an léiríonn, nó nach léiríonn, na ráitis airgeadais bun-idirbhearta ar shlí a thugann léiriú cothrom.

Tuairiscím leosan a bhfuil freagracht as rialachas orthu i leith, i measc nithe eile, scóip agus tráthúlacht pleanáilte an iniúchta maille le nithe suntasacha a aimsítear san iniúchadh, ar a n-áirítear aon easpa shuntasach sa rialachas inmheánach ar tháinig mé uirthi le linn m'iniúchta.

COMHAR
BL IAIN DAR CHRÍOCH AN 31 NOLLAIG 2017

TUARASCÁIL AN INIÚCHÓRA NEAMHSPLEÁCH DO CHOMHALTAÍ
COMHAR
(ar leanúint)

Cuspóir m'obair iniúcháireacha agus cé do/di a bhfuil mé freagrach

Is do chomhaltaí na Cuideachta amháin, mar chomhlachas, mo thuarascáil faoi réir alt 391 d'Acht na gCuideachtaí 2014. Thug mé faoi m'obair iniúcháireachta le go dtuairisceoinn do chomhaltaí na Cuideachta na nithe úd a bhfuil dualgas orm a thuairisciú i mo thuairisc iniúcháireachta agus ní ar aon chúis eile. Chomh fada agus is ceadmhach dom de réir dlí, ní ghlacaim ná ní ghabhaim chugam féin freagracht as m'obair iniúcháireachta, as an tuarascáil seo ná as na tuairimí ar tháinig mé orthu, i leith duine ar bith eile seachas i leith na Cuideachta agus comhaltaí na Cuideachta mar chomhlachas.

Dáithí Ó Maolchoille
Cuntasóir Cairte
Sínithe ar a shon agus thar a cheann:
Dáithí Ó Maolchoille
Comhlacht Reachtúil Iniúcháireachta
75 Páirc Weston
Baile Átha Cliath D14 HW58
29 Bealtaine 2017

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

RÁITEAS AR IONCAM AGUS AR CHAITEACHAS

DON BHLIAIN DAR CHRÍOCH AN 31 NOLLAIG 2017

	Nótaí	2017 €	2016 €
(Easnamh) ó ghnáthghníomhachtaí roimh cháin		(9,810)	(11,341)
Cáin ar thorthaí ó ghnáthghníomhachtaí	3	-	-
(Easnamh) ó ghnáthghníomhachtaí tar éis cánach	4	(9,810)	(11,341)
		=====	=====

	2017 €	2016 €
Ráiteas ar Ioncam agus ar Chaiteachas:		
Barrachas ag tús na bliana	45,779	57,120
(Easnamh) na bliana reatha	(9,810)	(11,341)
Barrachas ag deireadh na bliana	35,969	45,779
	=====	=====

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

CLÁR COMHARDAITHE AR AN 31 NOLLAIG 2017

	Nótaí	2017 €	2016 €
SÓCMHAINNÍ SEASTA			
Sócmhainní inláimhsithe	5	-	-
Infheistíocht	6	32	32
		<u>32</u>	<u>32</u>
		—	—
SÓCMHAINNÍ REATHA			
Stoc		14,196	20,471
Féichiúnaithe	7	18,989	9,174
Airgead sa bhanc		15,505	31,519
		<u>48,690</u>	<u>61,164</u>
CREIDIÚNAITHE			
(suimeanna a bheidh dlite laistigh de bhliain amháin)	8	(12,753)	(15,417)
GLANSÓCMHAINNÍ REATHA			
		<u>35,937</u>	<u>45,747</u>
SÓCMHAINNÍ IOMLÁNA LÚIDE DLITEANAIS			
		<u>35,969</u> =====	<u>45,779</u> =====
COTHROMAS			
Ráiteas ar ioncaim agus ar chaiteachais	4	<u>35,969</u> =====	<u>45,779</u> =====

Ar son na stiúrthóirí

CATHAL GOAN

FIACHRA Ó MARCAIGH

Stiúrthóirí
29 Bealtaine 2017

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

NÓTAÍ AR NA RÁITIS AIRGEADAIS
DON BHLIAIN DAR CHRÍOCH AN 31 NOLLAIG 2017

1. POLASAÍ CUNTASAÍOCHTA

Gnás Cuntasaíochta

Ullmhaítear na ráitis airgeadais ar bhonn gnóthais leantaigh agus faoi réir caighdeán chuntasaíochta a bhfuil gnáth-ghlacadh leo in Éirinn agus faoi reachtaíocht na hÉireann, Acht na gCuideachtaí 2014 san áireamh, faoi réir an Ráiteas um Thuairisciú Airgeadais infheidhme i bPoblacht na hÉireann agus san Ríocht Aontaithe (FRS 102) eisithe ag an gComhairle um Thuairisciú Airgeadais.

Dímheas Sócmhainní Seasta

Soláthraítear dímheas ar na sócmhainní inláimhsithe go léir ag rátaí atá measta chun costas na sócmhainní, lúide luach iarmharach measta, a dhíscríobh thar an tréimhse a mbíonn siad inúsáidte ar mhodh na líne dírí mar a leanas:

Trealamh ríomhaireachta a maoiníodh go hiomlán	
ag deontas a fuarthas	100%
Troscán	20%

Stoc

Luacháiltear stoc leabhar ag a bhunchostas nó ag a ghlanluach inréadaithe, cibé acu is lú tar éis stoc críon nó mallghluaiste a dhíscríobh. Áirítear i gcostas an caiteachas go léir a rinneadh le linn gnáthchúrsaí na cuideachta chun na leabhair a thabhairt go dtí a suíomh agus a n-ordú reatha.

2. FOSTAITHE AGUS TUARASTAIL	2017	2016
-------------------------------------	-------------	-------------

Is é líon míosúil na ndaoine a fostaíodh le linn
na bliana mar a leanas:

1	1
=	=

Gníomhaíonn na stiúrthóirí go léir ar bhonn deonach.

Ní bhfuair fostaí ar bith leas fostaí níos airde ná €70,000.

3. CÁIN AR THORTHAÍ AR GHNÁTHGHNÍOMHACHTAÍ

Tá stádas carthanúil faighte ag an gcuideachta ó na Coimisinéirí Ioncaim a thugann faoiseamh ó cháin i leith ioncaim nó ghnócháin chaipitiúla a úsáidtear agus atá inúsáidte chun críche aidhmeanna carthanúla amháin. Bronnadh an stádas sin ar an gcuideachta i litir ó na Coimisinéirí Ioncaim dar dáta 12 Lúnasa 1982.

COMHAR
(CUIDEACHTA FAOI THEORAINN RÁTHÁIOCHTA GAN SCAIRCHAIPITEAL)

NÓTAÍ AR NA RÁITIS AIRGEADAIS
DON BHLIAIN DAR CHRÍOCH AN 31 NOLLAIG 2017
(ar leanúint)

4. COTHROMAS	2017	2016
	€	€
Ráiteas ar Ioncam agus ar Chaiteachas:		
Barrachas ag tús na bliana	45,779	57,120
(Easnamh) na bliana reatha	(9,810)	(11,341)
Barrachas ag deireadh na bliana	<u>35,969</u>	<u>45,779</u>
	=====	=====

5. SÓCMHAINNÍ SEASTA	Troscán	Ríomhairí	Iomlán
2017 agus 2016			
Costas	€	€	€
Ar 1 Eanáir agus ar 31 Nollaig	2,869	15,046	17,915
	=====	=====	=====
Dímheas			
Ar 1 Eanáir agus ar 31 Nollaig	2,869	15,046	17,915
	=====	=====	=====
Glanmhéid			
31 Nollaig 2017	-	-	-
	==	==	==
31 Nollaig 2016	-	-	-
	==	==	==

6. INFHEISTÍOCHT	2017	2016
	€	€
Comharchumann neamhliostaithe:		
Comharchumann Raidió Átha Cliath Teoranta		
(Raidió na Life) 25 scair - costas	32	32
	==	==

7. FÉICHIÚNAITHE	2017	2016
	€	€
Féichiúnaithe ginearálta	7,339	5,694
Cáin Bhreisluacha	<u>11,650</u>	<u>3,480</u>
	<u>18,989</u>	<u>9,174</u>
	=====	=====

COMHAR
(CUIDEACHTA FAOI THEORAINN RÁTHAÍOCHTA GAN SCAIRCHAIPITEAL)

NÓTAÍ AR NA RÁITIS AIRGEADAIS
DON BHLIAIN DAR CHRÍOCH AN 31 NOLLAIG 2017
(ar leanúint)

8. CREIDIÚNAITHE	2017	2016
	€	€
Creidiúnaithe ginearálta	11,524	14,118
Cáin fostaíochta	<u>1,229</u>	<u>1,299</u>
	12,753	15,417
	=====	=====

9. STÁDAS NA CUIDEACHTA

Cuideachta faoi theorainn ráthaíochta gan scairchaipiteal is ea an chuideachta. Tá ráthaíocht na gcomhaltaí teoranta go €1.27 an chomhalta a leanann ar feadh bliana amháin tar éis deiridh le comhaltas aonair.

10. SEIRBHÍISÍ CURTHA AR FÁIL AG INIÚCHÓIR NEAMHSPLÉACH

Dála a lán gnóthas eile ar chóimhéid agus den chineál céanna, cuidíonn ár n-iniúcháir linn na ráitis airgeadais a ullmhú, tuairisceáin bhliantúla a ullmhú agus a chur faoi bhráid na hOifige um Chlárú Cuideachtaí agus tuairisceáin a ullmhú agus a chur faoi bhráid na n-údarás cánach.

11. FAOMHADH NA RÁITIS AIRGEADAIS

Ar 29 Bealtaine 2017 d'fhaomh na stiúrthóirí na ráitis airgeadais agus d'údaraigh siad go n-eiseofaí iad.